

春秋五禮例宗卷第八

賓禮上

張氏

朝

朝廟一見廟門

朝王

僖二十八年五月癸丑公會晉侯齊侯宋公蔡侯鄭伯

衛子莒子盟于踐土公朝于王所冬天王狩于河

陽壬申公朝于王所

來朝

使朝一見昏內女門 內女朝子一見內女來門

隱十年春滕侯薛侯來朝

桓二年春正月滕子來朝

秋七月紀侯來朝

左作紀侯

六年冬紀侯來朝

七年夏穀伯綏來朝鄧侯吳離來朝

九年冬曹伯使其世子射姑來朝

十五年夏邾人牟人葛人來朝

莊公五年秋郕犁來來朝

二十三年夏公及齊侯遇于穀蕭叔朝公

二十七年冬杞伯來朝

僖七年夏小邾子來朝

二十年夏郕子來朝

二十七年春杞子來朝

文十二年正月杞伯來朝

秋滕子來朝

十一年秋曹伯來朝

十五年夏曹伯來朝

宣元年秋邾子來朝

成四年三月杞伯來朝

六年夏六月邾子來朝

七年夏五月曹伯來朝

十八年秋杞伯來朝

八月邾子來朝

襄元年九月邾子來朝

六年秋滕子來朝

七年春邾子來朝

夏四月小邾子來朝

二十一年冬十月曹伯來朝

二十八年夏邾子來朝

昭三年秋小邾子來朝

十七年春小邾子來朝

秋邾子來朝

定十五年正月邾子來朝

哀二年夏四月滕子來朝

凡諸侯見天子謂之朝亦謂之覲曲禮曰天子當依而立諸侯北面而見曰覲天子當宁而立諸公東面諸侯西面曰朝鄭氏謂朝受摯於朝受享於廟而覲則一

受之於廟太宗伯曰春見曰朝夏見曰宗秋見曰覲冬見曰遇由曲禮則朝覲之別以位由宗伯則朝覲之別以時然書稱歲二月東巡守至于岱宗肆覲東后又曰五載一巡守群后四朝則朝覲不必以時為別明堂位稱周公朝諸侯天子負依而立則朝覲不必以位為別覲禮稱諸侯前朝則朝覲亦為通稱明矣論語謂子退朝則日朝其君者也大行人謂使諸侯世相朝則諸侯交相見者也夫諸侯交相見而以日朝其君之名名之所以崇勸讓相親睦之道也諸侯以君道臨人則可以受人之朝而不為僭敵國以勸讓相下雖朝人之國而不為屈如是則庶邦睦而王

室寧矣春秋之時小國則朝大國則否故經所書朝
事不一皆以小事大之禮也叔向曰明王之制間朝
以講禮禮三歲也而子大叔云五歲一朝與行人之法固異
左氏獨以子大叔為正必有據依然考於書成王命
諸侯六年五服一朝又六年王乃時巡各朝于方岳
以諸侯朝王且猶六歲則間於天子之事而相朝宜
不能數於此然則世相朝殆先王之制矣

凡諸侯朝王大行人逆勞于畿至于郊王人勞之至
于國天子館之前朝皆受舍于朝同姓西面而異姓
東面朝之日致命以玉享以幣馬既而退聽事于廟
門之左天子命之歸勞其來然後乃出於是申以車

服之賜重以享宴之好且為壇於國門之外以待會

盟而今事焉諸侯自相朝之禮雖亡然司儀掌客略

具其文而其實則猶見於春秋故傳稱齊侯如晉晉

士鞅逆諸河昭六魯昭公如晉自郊勞至于贈賄無失

禮年五則亦逆勞贈好之禮也子產謂晉文公卑官室

而大諸侯之館則亦館之之禮也襄三邾隱公來朝

執玉高魯定公受玉卑定十則亦致命以玉之禮也

鄭伯如晉壞垣以納車馬曰無所藏幣則亦享以幣

馬之禮也襄三隱公謂滕薛曰周之宗盟異姓為後

年十一則亦辨姓之禮也曹伯如晉受正文魯襄公如晉

聽政年四則亦聽事之禮也晉侯享諸侯鄭伯辭享昭十

則亦享宴之禮也鄭伯如楚舍而不壇壤心則亦爲壇之禮也夫爲壇乃天子所以令諸侯之制春秋以小朝大則亦受其令故也然則春秋諸侯相朝之禮殆略與覲禮等乎

聘 聘而盟五見盟門

王聘

隱七年冬天王使凡伯來聘

九年春天王使南季來聘

相四年夏天王使宰渠伯糾來聘

五年夏天王使仍叔之子來聘

八年春正月天王使家父來聘

莊二十三年春祭叔來聘

僖三十年冬天王使宰周公來聘

宣十年秋天王使王季子來聘

外聘

隱七年夏齊侯使其弟年來聘

相三年冬齊侯使其弟年來聘

莊二十三年夏荆人來聘

二十五年春陳侯使女叔來聘

僖三十三年二月齊侯使國歸父來聘

文四年秋衛侯使甯俞來聘

九年冬楚子使椒來聘

十二年秋秦伯使術來聘

宣十年冬齊侯使國佐來聘

成四年春宋公使華元來聘

八年春宋公使華元來聘

冬十月晉侯使士燮來聘

十八年夏晉侯使士匄來聘

襄元年冬衛侯使公孫剽來聘

晉侯使荀躒來聘

五年夏鄭伯使公子發來聘

八年冬晉侯使士匄來聘

十二年夏晉侯使士魴來聘

二十六年夏晉侯使荀吳來聘

二十七年春齊侯使慶封來聘

二十九年夏五月晉侯使士鞅來聘

吳子使札來聘

三十年春正月楚子使薳罷來聘

昭二年春晉侯使韓起來聘

十二年夏宋公使華定來聘

二十一年夏晉侯使士鞅來聘

曲禮曰諸侯使人問於諸侯曰聘而大行人稱時聘以結諸侯之好典瑞稱圭璋以規聘則天子使人問諸侯亦謂之聘王制稱諸侯之於天子比年一小聘

三年一大聘則諸侯使人問天子亦謂之聘穀梁曰聘諸侯非正誤矣叔向謂明王之制歲聘以志業而子大叔稱晉文之霸也令諸侯三歲而聘考於禮經時聘無數然則苟以事行焉可也春秋之時伯者制其疏數故合諸侯以今朝聘之數然魯襄昭之間使介不通於齊者凡二十年則其疏數不足證也

周之舊制卿大夫出聘略見於司儀掌客之職而具於聘禮凡使介之來入境則卿逆而勞之至于朝則致館既入則受於廟致命則以圭入享則以幣私覲則以錦加以勞問申以享宴好以貨賄所以交隣國之道也春秋之時略有其實故傳稱季武子聘于宋

楮師段逆之以受享讓叔弓聘于晉晉侯使郊勞辭使致館又辭秦西乞術來聘襄仲辭王文國莊子來聘自郊勞至于贈賄禮成而加之以敏晉士歎來聘季孫使饋七牢而享宴之禮則無國無之雖未盡合於古乃有先王之遺制焉

獨稱來如以來一見外如至門一見以來一

隱元年十二月祭伯來

閔元年冬齊仲孫來

僖二十九年春介葛盧來

冬介葛盧來

襄十八年春白狄來

凡書來有來朝有來聘然不以朝聘名之謂其禮不成也

來錫

莊元年冬十月王使榮叔來錫桓公命

文元年夏四月天王使毛伯來錫公命

成八年秋七月天子使召伯來錫公命錫左作賜

來求歸

來歸田邑二見取門
來求婦一見昏門

來歸喪具見喪葬門
來歸賑一見李門

桓十五年春二月天王使家父來求車

莊六年冬齊人來歸衛俘本作衛賈

文九年春毛伯來求金

會

夫人

及公會一見諸侯門

莊二年冬十一月夫人姜氏會齊侯于禚

七年春夫人姜氏會齊侯于防

冬夫人姜氏會齊侯于穀

僖十七年秋夫人姜氏會齊侯于卞

內女

莊二十七年春公會杞伯姬于洮

諸侯

隱二年春公會戎于潛

九年冬公會齊侯于防

十年二月公會齊侯鄭伯于中立

十二年夏公會鄭伯于時來

桓元年三月公會鄭伯于垂

二年七月蔡侯鄭伯會于鄧

三年正月公會齊侯于贏

夏六月公會杞侯于郟

六年四月公會紀侯于成

十年秋公會衛侯于桃丘弗遇

十一年秋公會宋公于夫鍾

冬十二月公會宋公于闕

十二年八月公會宋公于虛

冬十月公會宋公于龜

十四年正月公會鄭伯于曹

十五年夏公會齊侯于艾

十六年春正月公會宋公蔡侯衛侯于曹

十八年正月公會齊侯于濼公与夫人遂如齊

莊十三年春齊侯宋人陳人蔡人邾人會于北杏

十四年冬單伯會齊侯宋公衛侯鄭伯于鄆

十五年春齊侯宋公陳侯衛侯鄭伯會于鄆

二十七年冬公會齊侯于城濮

僖元年八月公會齊侯宋公鄭伯曹伯邾人于榿

三年秋齊侯宋公江人黃人會于陽穀

十二年夏公及夫人姜氏會齊侯于陽穀

十三年公會齊侯宋公陳侯衛侯鄭伯許男曹伯于鹹
十六年冬十二月公會齊侯宋公陳侯衛侯鄭伯許男邢
侯曹伯于淮

二十年秋宋公楚子陳侯蔡侯鄭伯許男曹伯會于孟執宋公以伐宋

二十八年冬十二月會公羊有公字齊侯宋公陳侯衛侯鄭伯邾子

秦人于温

文十二年冬公如晉衛侯會公于沓冬十二月己丑公及

晉侯盟還自晉鄭伯會公于棐

十七年六月諸侯會于扈

宣元年夏公會齊侯于平州

七年冬公會晉侯宋公衛侯鄭伯曹伯于黑壤

九年秋九月晉侯宋公衛侯鄭伯會于扈

十二年秋晉侯會狄于攢函

成十二年夏公會晉侯衛侯于瑣澤

十六年秋公會晉侯齊侯衛侯宋華元邾人于沙隨不見公

襄五年秋公會晉侯宋公陳侯衛侯鄭伯曹伯莒子邾子

滕子薛伯齊世子光吳人鄆人于戚

七年十二月公會晉侯宋公陳侯衛侯曹伯莒子邾子于

鄆鄭伯髡頑如會未見諸侯丙戌卒于鄆陳侯逃歸

十年春公會晉侯宋公衛侯曹伯莒子邾子滕子薛伯

杞伯小邾子齊世子光會吳于祖

二十一年冬公會晉侯齊侯宋公衛侯鄭伯曹伯莒子邾子

于商任

二十二年冬公會晉侯齊侯宋公衛侯鄭伯曹伯莒子邾子薛伯杞伯小邾子于沙隨

二十四年秋八月公會晉侯宋公衛侯鄭伯曹伯莒子邾子滕子薛伯杞伯小邾子于夷儀

昭四年夏楚子蔡侯陳侯鄭伯許男徐子滕子頓子胡子

沈子小邾子宋世子佐淮夷會于申

楚人執徐子

定八年夏公會晉師于瓦

十年夏公會齊侯于夾谷

冬齊侯衛侯鄭游速會于安甫

十四年夏五月公會齊侯衛侯于牽

秋齊侯宋公會于洮

大蒐于比蒲邾子來會公

哀七年夏公會吳于郟

十二年夏公會吳于臺

秋公會衛侯宋皇瑋于郟

十三年夏公會晉侯及吳子于黃池

大夫 會黃池一見黃門

文元年秋公孫叔會晉侯于戚

十一年夏叔彭生會晉卻缺于承匡

宣十四年冬公孫歸父會齊侯于穀

十五年春公孫歸父會楚子于宋

秋仲孫蔑會齊高固于無婁

成五年夏叔孫僑如會晉荀首于穀

十五年十一月叔孫僑如會晉士燮齊高元魯宋華元衛孫

林父鄭公子鱄邾人會吳于鍾離

襄二年秋七月仲孫蔑會晉荀偃宋華元衛孫林父曹人邾人于戚

冬仲孫蔑會晉荀偃齊崔杼宋華元衛孫林父曹人邾

人滕人薛人小邾人于戚

五年夏仲孫蔑衛孫林父會吳于善道

八年春公如晉夏季孫宿會晉侯鄭伯齊人宋人衛邾人于邢丘

十四年正月季孫宿叔老會晉士匄齊人宋人衛人鄭公孫蕞

曹人莒人邾人滕人薛人杞人小邾人會吳于向

冬季孫宿會晉士匄宋蕞衛孫林父鄭公孫蕞莒人邾人于戚

十九年冬叔孫豹會晉士匄于柯

二十六年公會晉人鄭良霄宋人曹人于澶淵

昭元年春叔孫豹會晉趙武楚公子圍齊國弱宋向戌衛齊

惡陳公子招蔡公孫歸生鄭罕虎許人曹人于號

九年春叔弓會楚子于陳

十一年秋季孫意如會晉韓起齊國弱宋華亥衛北宮佗

鄭罕虎曹人杞人于厥憇

二十五年夏叔諸會晉趙鞅宋樂大心衛北宮喜鄭游喜曹

人邾人滕人薛人小邾人于黃父

二十七年秋晉士鞅宋樂祁犁衛北宮喜曹人邾人滕人會于扈

二十九年春季孫意如會晉荀偃于適歷

哀六年夏叔還會吳子祖

傳稱楚子合諸侯于申問禮於宋左師鄭子產左師
獻公合諸侯之禮六子產獻伯子男會公之禮六子
服景伯曰王合諸侯則伯帥侯牧以見于王伯合諸
侯則侯帥子男以見于伯然則王伯合諸侯之禮不
同今皆亡之惟宗伯稱時見爲會而司儀掌客略具
其儀其節則未之詳也叔向以謂明王之制再朝而
會以示威再會而盟以顯昭明然則六歲一會矣以
宗伯言之時會無數則非有踈數苟以事行焉可也
春秋之時朝聘會盟皆出強國之令久而未至則微
之亦未必有其節也

周官國君命數以次而殺其別有五其節惟三公爲
上侯伯爲次子男爲下若春秋之時則伯子男合而
爲一故子產謂鄭伯男也而共公侯之貢孟子論周
室班爵祿則又曰公一位侯一位伯一位子男同一
位與周官春秋雖不合然五等之高下固自若也先
王以是稱諸侯之功而定其班列及其衰也強者并
而五霸興中國不競則又擅於夷狄文武所褒大封
皆威而服焉春秋所書班列之次率不與先王合或
主兵或主會或主謀則雖小國有在伯國之上者矣
或爲伯所升或爲伯所黜則雖大侯有在子男之下
者矣叔孫曰宋衛吾匹也又曰諸侯之會寡君未嘗

後衛君則魯之班先衛而下宋矣傳曰周之宗盟異姓爲後而子魚所稱踐土之盟齊宋皆下諸姬則魯之班又當在宋上矣然春秋以魯爲主故凡公會諸侯不復以班皆爲之冠若外諸侯則同姓亦宜爲異姓之先而經不然者蓋當時先後實以強弱爲之次聖人不皆正焉所以示其非也如踐土之盟子魚所稱亦與經不合豈當時載書與諸國所紀異其文哉豈聖人惡其文之正而實之違哉

禮諸侯世子誓於天子攝其君則下其君之禮一等未誓則以皮帛繼子男而春秋所書諸侯世子或在國君上下一出於伯者所令而已矣諸公之孤其命

數亦視子男侯伯之卿下孤一等子男之卿下侯伯一等臧宣叔曰次國之上卿當大國之中中當其下下當其上大夫小國之上卿當大國之下卿中當其上大夫下當其下大夫古之制也叔孫婁又謂周制列國之卿當小國之君而左氏亦云卿不會公侯會伯子男可也案列國之卿與天子之元士皆三命元士受地則得視子男而列卿則無視子男之禮其曰當小國之君未之詳也周官有卿而無上大夫則上大夫謂卿也今宣叔之言則諸侯之國既有卿又有上大夫列國之大夫固足以當小國之卿而其所謂上下次大之節禮無其文

王制所載乃宣叔之言

春秋所書卿大

夫之次徒以國之強弱班焉未必皆古制也惟魯大夫出會則雖公侯亦在其下此與魯君先諸侯同義若外大夫與國君相當則或上或下各因所書之實以示義而其班則亦不可得而考也

盟
諸侯 盟而會 一見會同

隱元年三月公及邾儀父盟于蔑

二年八月庚辰公及戎盟于唐

十月紀子帛莒子盟于密 帛公 作伯

二年冬十二月齊侯鄭伯盟于石門

六年夏五月辛酉公會齊侯盟于艾

八年秋七月庚午宋公齊侯衛侯盟于瓦屋

相元年夏四月丁未公及鄭伯盟于越

二年公及戎盟于唐

十二年夏六月壬寅公會杞侯莒子盟于曲池

秋七月丁亥公會宋公燕人盟于穀丘

冬十一月丙戌公會鄭伯盟于武父

十七年春正月丙辰公會齊侯紀侯盟于黃

二月丙午公及邾儀父盟于越

莊十三年冬會齊侯盟于柯

十六年冬十有二月會齊侯宋公陳侯衛侯鄭伯許男滑

伯滕子同盟于幽

二十三年十有二月甲寅公會齊侯盟于扈

二十七年夏六月公會齊侯宋公陳侯鄭伯同盟于幽

閔元年秋八月公及齊侯盟于落姑

僖二年秋九月齊侯宋公江人黃人盟于貫

五年夏公及齊侯宋公陳侯衛侯鄭伯許男曹伯會于

首止秋八月諸侯盟于首止鄭伯逃歸不盟

七年秋七月公會齊侯宋公陳世子欵鄭世子華盟于甯母

八年春王正月公會王人齊侯宋公衛侯許男曹伯陳世子

欵盟于洮鄭伯乞盟

九年夏公會宰周公齊侯宋子衛侯鄭伯許男曹伯于

葵丘九月戊辰諸侯盟于葵丘

十五年三月公會齊侯宋公陳侯衛侯鄭伯許男曹

伯盟于壯丘遂次于匡公孫教師帥及諸侯之大夫救徐

十九年夏六月宋公曹人邾人盟于曹南鄆子會盟于

邾已酉邾人執鄆子用之

二十二年秋宋公楚子陳侯蔡侯鄭伯許男曹伯會

于孟執宋公以伐宋十二月癸丑公會諸侯盟于薄釋宋公

二十五年十二月癸亥公會衛子苜慶盟于洮

二十六年正月己未公會苜子衛甯速盟于向

二十七年冬楚人陳侯蔡侯鄭伯許男圍宋十二月甲

戌公會諸侯盟于宋

二十八年五月癸丑公會晉侯齊侯宋公蔡侯鄭伯衛子

莒子盟于踐土陳侯如會

文三年冬公如晉十二月己巳公及晉侯盟

十三年冬公如晉十有二月己丑公及晉侯盟

十四年六月公會宋公陳侯衛侯鄭伯許男穀梁云許男

曹伯晉趙盾癸酉同盟于新城

十五年冬十有一月諸侯盟于扈

十七年四月齊侯伐我西鄙六月癸未公及齊侯盟于穀

宣十二年夏楚子陳侯鄭伯盟于辰陵

十七年六月己未公會晉侯衛侯曹伯邾子同盟于斷道

成五年十二月己丑公會晉侯齊侯宋公衛侯鄭伯曹伯邾

子杞伯同盟于蠱牢

七年秋公會晉侯齊侯宋公衛侯曹伯莒子邾子杞伯

救鄭八月戊辰同盟于馬陵

九年正月公會晉侯齊侯宋公衛侯鄭伯曹伯莒子杞伯同盟于蒲

十五年三月癸丑公會晉侯衛侯鄭伯曹伯宋世子成齊國

佐邾人同盟于戚

十七年夏公會尹子單子晉侯齊侯宋公衛侯曹伯邾人

伐鄭六月乙酉同盟于柯陵

襄三年春公如晉夏四月壬戌公及晉侯盟于長檮

六月公會單子晉侯宋公衛侯鄭伯莒子邾子齊世子

光已未同盟于雞澤陳侯使袁僑如會戊寅叔孫豹

及諸侯之大夫及陳袁僑盟

九年冬公會晉侯宋公衛侯曹伯莒子邾子滕子薛伯
杞伯小邾子齊世子光伐鄭十二月己亥同盟于戲

十年夏四月公會晉侯宋公衛侯曹伯齊世子光莒子邾
子滕子薛伯杞伯小邾子伐鄭秋七月己未同盟于亳城北

十一年冬十月公會晉侯宋公衛侯鄭伯曹伯莒子邾子滕子
薛伯杞伯小邾子同圍齊十九年春王正月諸侯盟于祝柯

二十二年夏六月庚申公會晉侯齊侯宋公衛侯鄭伯曹伯莒
子邾子滕子薛伯杞伯小邾子盟于澶淵

二十五年五月公會晉侯宋公衛侯鄭伯曹伯莒子邾子滕
子薛伯杞伯小邾子于夷儀秋八月己巳諸侯同盟于重丘

昭十三年秋公會劉子晉侯齊侯宋公衛侯鄭伯曹伯莒子

邾子滕子薛伯杞伯小邾子于平丘八月甲戌同盟
于平丘公不與盟

二十六年秋公會齊侯莒子邾子杞伯盟于鄆陵

定四年三月公會劉子晉侯宋公蔡侯衛侯陳子鄭伯許

男曹伯莒子邾子頓子胡子滕子薛伯杞伯小邾子齊

國夏于召陵侵楚五月公及諸侯盟于臯馳

七年秋齊侯鄭伯盟于鹹 齊侯衛侯盟于沙

八年冬衛侯鄭伯盟于曲濮

十二年冬十月癸亥公會齊侯盟于黃

大夫

隱元年九月及宋人盟于宿

八年九月辛卯公及莒人盟于浮來

桓十一年春正月齊人衛人鄭人盟于惡曹

九月柔會宋公陳侯蔡叔盟于析

莊九年春公及齊大夫盟于訖

十九年秋公子結媵陳人之婦于郵遂及齊侯宋公盟

二十三年秋七月丙申及齊高傒盟于防

僖十九年冬會公羊有公字陳人蔡人楚人鄭人盟于齊

二十年秋齊人狄人盟于邢

二十一年春宋人齊人楚人盟于鹿上

二十九年夏會公穀皆有公字左氏經雖無之而傳亦哀公會但去卿不書也王人晉人宋人齊

人陳人蔡人秦人盟于翟泉

三十三年夏衛人侵狄秋衛人及狄盟

文二年三月乙巳及晉處父盟

夏六月公孫敖會宋公陳侯鄭伯晉士穀盟于垂隤

七年秋八月公會諸侯晉大夫盟于扈

八年冬十月壬午公子遂會晉趙盾盟于衡雍

乙酉公子遂會雒戎盟于暴

十年及蘇子盟于女栗

十六年春季孫行父會齊侯于陽穀齊侯弗及盟

六月戊辰公子遂及齊侯盟于鄆丘

宣十二年晉人宋人衛人曹人同盟于清丘

成元年夏臧孫許及晉侯盟于赤棘

二年六月癸酉季孫行父臧孫許叔孫僖如公孫嬰齊帥師會晉卻克衛孫良夫曹公子首及齊侯戰于鞌齊師敗績秋七月齊侯使國佐如師己酉及國佐盟于袤婁十月公會楚公子嬰齊于蜀丙申公及楚人秦人宋人陳人衛人鄭人齊人曹人邾人郕人盟于蜀

三年十月晉侯使荀庚來聘衛侯使孫良夫來聘丙午及荀庚盟丁未及孫良夫盟

十二年三月晉侯使卻擘來聘己丑及卻擘盟

十六年十二月乙丑季孫行父及晉卻擘盟于扈

十八年十二月仲孫蔑會晉侯宋公衛侯邾子齊崔杼同盟于虛打

襄三年六月戊寅叔孫豹及諸侯之大夫及陳袁僑盟

七年冬十月衛侯使孫林父來聘壬戌及孫林父盟

十五年春宋公使向戌來聘二月己亥及向戌盟于劉

十六年三月公會晉侯宋公衛侯鄭伯曹伯莒子邾子薛伯杞伯小邾子于溴梁戊寅大夫盟

二十年正月辛亥仲孫速會莒人盟于向

二十七年夏叔孫豹會晉趙武楚屈建蔡公孫歸生衛甯惡陳孔奭鄭良霄許人曹人于宋秋七月辛巳豹及諸侯之大夫盟于宋

昭十二年五月仲孫矍會邾子盟于禚祥

定三年冬仲孫何忌及邾子盟于拔

哀三年春三月季孫斯叔孫州仇仲孫何忌帥師伐邾取
鄆東田及沂西田癸巳叔孫州仇仲孫何忌及邾子盟
于句繹

來盟 并盟一見盟門

桓十四年春正月公會鄭伯于曹夏五文闕鄭伯使其弟語來盟
閏二年冬齊高子來盟

僖四年正月公會齊侯宋公陳侯衛侯鄭伯許男曹伯侵蔡
蔡潰遂伐楚次于陘夏楚屈完來盟于師盟于召陵

文十五年三月宋司馬華孫來盟
宣七年春衛侯使孫良夫來盟

襄二十九年五月杞子來盟

涖盟

僖三年秋齊侯宋公江人黃人會于陽穀冬公子友

如齊涖盟 穀作季友

文七年冬徐伐莒公孫敖如莒涖盟

昭七年正月暨齊平三月叔孫婁如齊涖盟

定十年冬及鄭平叔還如鄭涖盟

古者天子巡守諸侯入朝王皆為壇於國門之外加
方明焉天子祀之蓋以為盟尸也先王躬誠明之德
以臨下人孰不信而必有事乎齊盟者蓋在我者可
以質諸鬼神而不疑然後可以責人之信已且在我
可任而在人者不可保故也殺牲而歃其血以示信

之由衷珠槃玉敦以奉之以示意之精純載書以示
言之可復雖然不先以德則神弗聽而誠弗固凡春
秋之盟是也然以齊相之德葵丘之會猶能使諸侯
束牲載書而不歃血則先王躬誠明以涖之可知矣
經有同盟者杜氏謂服異也有涖盟者穀梁謂外前
定之詞也有來盟者穀梁謂內前定之詞也

胥命

相三年夏齊侯衛侯胥命于蒲

春秋五禮例宗卷第八

